

MEMORANDUM O SARADNJI
U OBLASTI ODNOSA S JAVNOŠĆU

IZMEĐU

Vrhovnog državnog tužilaštva Crne Gore, Republičkog javnog tužilaštva Republike Srbije, Vrhovnog državnog tužilaštva Republike Slovenije, Javnog tužilaštva Republike Sjeverne Makedonije, Generalnog tužilaštva Republike Albanije, Tužilaštva Bosne i Hercegovine, Federalnog tužilaštva Federacije Bosne i Hercegovine, Republičkog javnog tužilaštva Republike Srpske, Tužilaštva Brčko distrikta Bosne i Hercegovine, (u daljem tekstu Potpisnici)

Usaglasili su:

Član I

Potpisnici ovog Memoranduma omogućit će osobama u službama/odjeljenjima za odnose sa javnošću da intenziviraju međusobnu saradnju s ciljem jačanja i unapređenja kapaciteta službi za odnose s javnošću i omogućavanja razmjene informacija i konsultacija.

Član II

1. U pravcu ostvarivanja ciljeva obuhvaćenih ovim Memorandumom predviđa se mogućnost uspostavljanja regionalne platforme službi za odnose s javnošću, kao foruma za saradnju i komunikaciju, čije će modalitete odrediti Potpisnici Memoranduma.

2. Regionalna platforma predstavljat će mogućnost za komunikaciju i direktnu razmjenu informacija i dokumenata između službi za odnose s javnošću, koje se odnose na njihov rad.

Član III

Saradnja osoba zaduženih za odnose s javnošću s ciljem razmjene iskustava i edukacija bit će osigurana kroz organiziranje periodičnih sastanaka, radionica i obuka.

Član IV

Potpisnici ovog Memoranduma saglasni su da će se prilikom obavještanja javnosti o radnjama koje se odnose na prekogranične predmete voditi računa da se saopćenim informacijama ne ugrozi istraga koju sprovode tužilaštva drugih država Potpisnika i prethodno sprovesti međusobne konsultacije.

Član V

Ovaj Memorandum ne stvara prava i/ili obaveze prema međunarodnom pravu.

Član VI

Sadržaj ovog Memoranduma može biti izmijenjen ili dopunjen u bilo kom trenutku uz pismenu saglasnost svih potpisnika Memoranduma. Svaka Potpisnica može predložiti izmjene ili dopune ovog Memoranduma.

Član VII

Ovaj Memorandum otvoren je za potpisivanje novim Potpisnicima na osnovu prethodne saglasnosti svih postojećih potpisnika Memoranduma.

Član VIII

Predstavnici Potpisnika ovog Memoranduma će sve potencijalne nesporazume rješavati sporazumno, s punim uvažavanjem svih strana uključenih u eventualni nesporazum, uz maksimalnu opredijeljenost za pronalaženje rješenja kojim će sve strane biti zadovoljne.

Član IX

1. Ovaj Memorandum stupa na snagu danom potpisivanja i zaključuje se na neodređeno vrijeme.
2. Svaka potpisnica Memoranduma može u bilo koje vrijeme raskinuti saradnju koja se zasniva na ovom dokumentu pisanim obavještenjem drugih Potpisnika jedan mjesec ranije
3. Ovaj Memorandum može biti raskinut uz pismenu saglasnost svih Potpisnika Memoranduma.
4. Raskid ovog Memoranduma neće uticati na sprovođenje bilo kojih tekućih aktivnosti koje su dogovorili Potpisnici.

Član X

Ovaj Memorandum je potpisan u šest istovjetnih primjeraka, na crnogorskom, srpskom, bosanskom, hrvatskom, makedonskom, albanskom, slovenačkom i engleskom jeziku, od kojih svaka Potpisnica zadržava po originalni jedan primjerak. U slučaju neslaganja u tumačenju mjerodavna je verzija na engleskom jeziku.

Potpisnici

Vrhovno državno tužilaštvo Crne Gore

Vrhovno javno tužilaštvo Republike Srbije

Vrhovno državno tužilaštvo Republike Slovenije

Javno tužilaštvo Republike Sjeverne Makedonije

Generalno tužilaštvo Republike Albanije

Tužilaštvo Bosne i Hercegovine

Federalno tužilaštvo Federacije Bosne i Hercegovine

Republičko javno tužilaštvo Republike Srpske

Tužilaštvo Brčko distrikta Bosne i Hercegovine

**16.05.2023.
Herceg Novi, Crna Gora**